

→ rota dos miradoiros



[Faro de Laxe]

O Faro de Laxe foi construído nos anos 20 e atópase nun outeiro duns 50 metros de altitude sobre o nivel do mar nun espazo privilexiado en plena Costa da Morte.

O topónimo "Costa da Morte" é recente e xurde da multitude de naufraxios que tiveron lugar neste tramo da costa galega. Baña Heim documenta no seu libro arredor duns 200 naufraxios nun período de 150 anos.

Un destes naufraxios tivo lugar preto deste faro o 6 de decembro de 1972: O barco "Playa de Arnela" con base en Corme e con 12 tripulantes abordo naufragou cando se dirixía ao seu porto base para descargar a pesca. Só dous supervivintes foron capaces de dar testemuño da traxedia. Dise que cando o mar está baixo aínda se poden ver os restos desta embarcación.

A forma de vida dos habitantes de Laxe está intimamente ligada ó mar. Unha das imaxes máis representativas desta zona é o traballo dos percebeiros, saltando de rocha en rocha e esquivando os golpes do mar.

As postas de sol e as vistas neste miradoiro son abraiante, pois á imaxe do sol adentrándose no mar hai que sumarlle as vistas dun dos tramos máis fermosos da costa de Galicia: O que vai dende o Roncudo (enfrente ao outro lado da ría) ata a Punta do Boi no Concello de Camariñas (ao lonxe á nosa esquerda).



Concello de Laxe

